

靈寶无度量人上品妙經卷之四十八 字

安鎮九壘土祿不祥品

道言昔於洞陽天中太微空歌晶華樂土受  
元始度人安鎮九壘土祿不祥妙品元始天  
尊當說是經周迴十過以召十方始當詣座  
天真大神上聖高尊妙行真人仙王土皇官  
屬僚佐地真主宰无鞅數衆乘空而來黃雲  
慶霄羽蓋琅輿彌覆九壘晃耀八冥流光錯  
落洞煥太空五日五夜諸天日月星宿璇璣  
玉衡一時停輪諸地海嶽洞穴谿壑碧華明

徹風雲靜默天无浮翳地无伏扶一國地土  
林木原隰緬平一等无復高下土皆作文玉  
雲霞炳煥无有異色衆真侍座元始天尊玄  
坐空浮九光金爛龍臺之上說經一徧大地  
土皇同時稱善俄頃五嶽靈宮化現真文說  
經二徧玄闕字八開通說經三徧醴泉湧出說經  
四徧山澤川源皆生祥瑞說經五徧地蔵七  
寶流出人間說經六徧土杖鬼精捨邪歸正  
說經七徧禍害斷絶殃注消滅說經八徧北  
都羅鄧九幽地獄一切罪寃並蒙原赦說經

九徧鬼官主者咸進仙階說經十徧萬物遂  
性民无夭傷是時一國是男是女莫不傾心  
皆受護度咸得長生

道言是時元始天尊說經一徧東方无極无  
量品色潤壘仙王土皇神君无鞅之衆浮空  
而至說經二徧南方无極无量品剛色壘仙  
王土皇神君无鞅之衆浮空而至說經三徧  
西方无極无量品石脂色壘仙王土皇神君  
无鞅之衆浮空而至說經四徧北方无極无  
量品潤澤壘仙王土皇神君无鞅之衆浮空

而至說經五徧東北无極无量品金粟澤壘  
仙王土皇神君无鞅之衆浮空而至說經六  
徧東南无極无量品金剛鐵澤壘仙王土皇  
神君无鞅之衆浮空而至說經七徧西南无  
極无量品水制澤壘仙王土皇神君无鞅之

字八

二

衆浮空而至說經八徧西北无極无量品大  
風澤壘仙王土皇神君无鞅之衆浮空而至  
說經九徧上方无極无量品崑崙閻風珠闕  
瑤池八極靈仙九宮地真无鞅之衆浮空而  
至說經十徧下方无極无量品洞淵无色混

黃洞空網維壘仙王土皇神君无鞅之衆浮  
空而至十徧周竟十方无極九壘土司仙王  
皇君一時同至一國男女傾心歸仰來者有  
如密雪飛沙无鞅之衆迓國一半土皆徧陷  
非可禁止於是元始俯視九壘冥漠淵衆三

十六宮諸大土皇殿闕臺觀冉冉上昇至天  
尊所元始即以赤光火玉之拂輝映宮闕變  
爲一珠初若彈丸三十六宮明徹可見元始  
再運神力揭此寶珠大如黍米在空玄之中  
去地九丈元始登引天真大神上聖高尊妙

行真人十方无極至真大神九壘仙王土皇  
神君无鞅數衆俱入寶珠之中天人仰看惟  
見勃勃從珠口中入既入珠口不知所在國  
人廓散地還平正无復歆陷元始即於寶珠  
之內照見九壘土祇惡鬼形狀種種不祥出  
示靈文安鎮除滅字八利益生民說經都竟衆真  
監度以授於我當此之時喜慶難言法事粗  
悉諸天復位倏歎之間寂无遺響是時天人  
過值經法普得濟度全其本年无有中傷傾  
土傾仰咸居樂康不喜不怒不憂不悲不病

不惱不苦不勞不擾不驚言歸至理意合天  
真齊同慈愛異骨成親國安民豐欣樂太平  
經始出教一國以道預有至心宗奉禮敬皆  
得度世

道言元始天尊說經中所言並是九壘土皇  
內名隱韻之音亦是仙王內諱百靈之隱名  
也非世之常辭上聖已成真人通玄究微能  
悉其章誦之十過諸天遙唱萬帝設禮九壘  
明正土祿東形謹守天勅不敢害人上帝律  
令速付天丁至學之士誦之十過則五土聽

命三玄稽首邪精喪眼土魔滅爽濟度垂死  
絕而得生所以爾者學士德化未充道未合  
真以制十方威未制九宮德可伏御百杵束  
縛魔靈但却死而已不能更生輕誦此章身  
則被殃供養尊禮門戶興隆世世昌熾與善  
因緣萬災不干神明護門斯經尊妙安鎮黃  
闕普掃不祥度人无量為九地之宗巍巍大  
範德難可勝

道言凡誦是經十過九壘三十六仙王土皇  
神君齊到除蕩土杖刑犯地下害氣勅攝土

靈寶无量人上品妙經

公畏法護人億曾萬祖幽魂苦爽皆即受度  
上昇朱官格皆九年受化更生得爲貴人而  
好學至經功滿德就皆得神仙飛昇金闕遊  
宴玉京也上學之士修誦是經中宮土德靈  
寶真人降浩元之氣流入身中皆即受度飛

字八

昇南宮世人受誦則地司毀券不敢拘形償  
骨地官延壽長年後皆得作尸解之道鬼神  
暫滅不經地獄即得返形遊行太空此經微  
妙普度无窮一切天人莫不受慶无量之福  
生死蒙惠上天所寶不傳下世至士齋金寶

效心盟天而傳輕泄漏慢殃沈九壘長役土  
官侍經五帝王童王女各三十六人營衛神  
文保護受經者身

道言正月長齋誦詠是經安鎮青赤土政辟  
除九壘一十二種土殃注氣為上世亡鬼斷  
地逮役度上南宮七月長齋誦詠是經安鎮  
白黃土司辟除九壘一十二種土殺刑氣身  
得神仙諸天書名黃籙白簡削死上生十月  
長齋誦詠是經安鎮玄黑土官辟除九壘一  
十二種土怪害氣為國王帝主君臣父子安

鎮國祚保天長存世世不絕常為人君安鎮  
其方民稱太平八節之日誦詠是經八方福  
土併及一身得為九宮真人本命之日誦詠  
是經土官降福軒始延齡仙王護命命存黃  
庭真人飲兆華池魂神澄正萬氣長存不經  
苦惱身有光明字八三界侍衛五帝司迎萬神朝  
禮名書上天功滿德就飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐黃黑紫三色雲

氣之中內外翳冥有青龍白虎朱雀玄武  
獅子白鶴羅列左右日月照明洞煥室內  
項生圓象光映十方如此分明密呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日言慶  
長齋清堂修行至經无量度人願所啓上徹  
徑御

无上三十二天元始上帝至尊几前畢

引炁三十二過東向誦經

靈寶无量度人上品妙經

元始无量度人上品妙經

元始洞玄靈寶本章安鎮九壘土祿不祥開  
闢妙品綿劫度人正行遊梵升降自然混極  
九輪虚无至真玄元祖氣流結成形風淵包  
絡妙運生根大法保鎮群類化成碧林蒼池  
羅列玄靈九光總統上帝玉文離合變立赤  
運開明太空輪轉飛範真香是爲冲妙玄中  
之玄鬱壘六交攝御崑山下纏風澤劫仞泉  
臺茫茫大化晨浩凝精三真廣延黃耀琳庭  
軒始昌陽甲土元卿紫煙絳霞照朗高清代

使百魔坐鎮十方中有元關布氣之真中有  
通靈合變之君中有考察開化大神中有伏  
邪滅妖丈人中有九冥洞淵洞極載天持地  
皇老尊神共敷至教大道化身今日安鎮萬  
聖臨軒

字八

六

東方无極保世神王長生大聖无量度人  
南方无極滅妖神王長生大聖无量度人  
西方无極辟邪神王長生大聖无量度人  
北方无極伐惡神王長生大聖无量度人  
東北无極旺德神王長生大聖无量度人

靈寶无量度人上品妙經

東南无極開道神王長生大聖无量度人  
西南无極正氣神王長生大聖无量度人  
西北无極成化神王長生大聖无量度人  
上方无極上清神王長生大聖无量度人  
下方无極風澤神王長生大聖无量度人

十方至真九壘神王長生度世无量大神並  
乘黃雲絳輿翠輦黃蓋飛輪驂駕白虎玄鳳  
丹鸞建伏魔之節神錦龍旗前尊耀昌主帥  
後從虎口土龍獅子麒麟左右騰擲七聖啓  
途四明捧轅億靈萬仙浮空而來泛氣太虛

飛光景霄中无翼相靈紐右宮玄滋上佐太  
陰尊神總領地真齊到帝前隨所安鎮永保  
无傾普告九壘八極靈關混黃之闕蒼碧之  
庭三十六君化氣九宮洞天曹局山澤川源  
五河八海雙光洞泉三玄四始一切神靈收  
捕土杖殺伐邪精北都羅鄧拘制鬼營生民  
安泰國祚清平死寇遷化白骨成人生身受  
度與氣長存因緣輪轉上升諸天永斷地下  
一十五種害物土杖殄滅不祥肅清四冥四  
冥之天天帝混成合道之境梵行

東方八天

黃中理玄天

九壘神空天

極真耀和天

生津布華滋靈天

道昭厚化天

太沖德容天

靜順頤元天

祖生無咎天

南方八天

帝流銖延孫

帝闕康庸

帝閣曲尚筌

帝祕景丕瓊

帝照無敵元

帝靈梵度光

帝抱由究非

帝唱息隱宮

火壁赤墳天	張冷流經天	梵元度空天	秀嬰委素天	嶧穴妙光天	盤基微虛天	陽隸曲池天	土府察獄天	西方八天	孔升幽化天
帝念極住元	帝握善愈揚	帝靜朱勝龍	帝爍羅童瞻	帝石沖亮夫	帝直紀敦時	帝殿棋祐山	帝育神秘樞		帝嗇益至迴

靈寶度量上人妙品經

皇崖祖靈天

帝瑤慶備修

幽古繁宜天

帝白元孔相

陸冥四存天

帝覺道屆純

洞江微澣天

帝梵龍九阿

微生浩景天

帝催謁令存

離真樂常天

帝兆復素空

精纏次瑤天

帝結降特明

北方八天

太虛梵容照無天

帝寧輔郎須

太虛寶劫厚成天

帝祝耻都安

真明辨乎進志天

帝邊落時明

斗璣晃霄天

帝極化涂先

進神敷生天

帝蔚伯無升

翊皇總壘天

帝迪諒切

定懷察陰天

帝悲豫蒙思

貴利升遊達真天

帝無求太庸

三十二天三十二帝諸天隱諱諸天隱名天  
中空洞自然靈章九壘隱韻土皇之音仙王  
之尊土皇之神九都大魔風澤之靈九纏十  
壘混化元根妙會之祖德難可稱羅布靈真

總治神機今日欣慶安鎮九壘斬斷土祿絕  
滅不祥升降道氣通運靈津土水風界二十  
七重真王檢察統御神功東極納氣西極結  
精北極合體南極成形中極上嶽盤鎮重冥  
青帝開機白帝握關赤帝運軸黑帝導脉黃  
帝合和祿<sub>字八</sub>殤蕩息青界神王龍剛燿密赤界  
神王炎華勸翼白界神王驍鋒電觸黑界神  
王含威冒育黃界神王該持洞極五界大神  
厚地之宗遊行地境部制靈官揮戈仗鉞總  
轄下司掌握綱紐體用之資造化生成並隸

玄樞上承天政開闢陰陽交和一德品物隆  
昌夔師攝毒虎將祛凶威兵振奕麟獸騰驤  
飛光八垣抗禦十鄉敢有干逆拒遏真皇金  
精咬食神獸吞傷殘割妖奕所誅无蠲群魔  
東首萬鬼潛形山川靜肅草木敷榮三光五  
老塞閉邪源不得容隱金馬驛傳普告无窮  
萬化敷宣九壘皇君列奏上玄

虛无淪化開列乾坤元氣浩浩混沌之形輕  
清上浮堅濁下凝劫數自然乘陽結陰真精  
間錯金剛鐵輪建構官府寓屬其間内司真

靈寶无度量上人妙經

宰協治靈仙分稟三玄建號土皇統括機紐  
運度无窮不容怪沴致害祆凶五方安鎮敷  
落真文八會赤書玉字之章保持災運地軸  
无傾梵氣彌羅萬範開張元網流演九壘重  
陰輪轉无色周回洞冥旋氣歷關迴度合明  
三十六宮總理下元八景混合上入高玄玄  
中帝皇无土玉真布衍太和黃一之靈包羅  
海嶽灌養流形玉華聚質神景生煙五山鬱  
秀環拱萬天上通下接升降自然中有真神  
洞皇天君坤元聖母后土尊靈甲土軒始輔

正九官執符把籙保鎮地根遊行洞臺出入  
冥津淵窮之境香眇之中下鎮人身紫闕丹  
田中合五氣大混百神十轉回靈萬氣齊仙  
仙道貴生无量度人下鎮九壘開化法輪禍  
福教化命蒂因緣普受開度萬彙生全生道  
既昌下告幽玄玄關之內各有生門中有元  
洞謠歌之章真王靈篇辭參高真

第一安鎮九壘空洞之音

元一結氣 混洞之中 下成形子  
盤礴冥空 地網植根 內有靈真

號曰土皇君 受位於帝宸 宮府三十六

經維統萬神 金石相纏固 機會總崑崙

虛涵溟渤津 風澤常彌綸 妙理宗靈寶

厚德堅無傾 勃化周大數 蛟龍俱負乘

正道順自然 袂姦何以興 二儀通至用

玄合保黃寧

第二辟除土祆之章

元始洞章 靈妙結神 下統帝氣

檢攝群真 勅命土皇 三十六君

稟承至用 開闢地關 九淵重壘

祇滯蠲消

沖德含和

融融散寥

運我正道

混合玄標

精禍滅子

品物道遙

保制劫災

永亨利貞

生靈樂子

賴我高宸

科範宣布

絕滅凶姦

无窮无極

海嶽滄茫

衛養生成

流形化光

普世受度

功歸上王

第三却滅不祥歌曰

九壘之下

冥冥洞闕

網維梵氣

混渺玄虛

中有真皇

承化開方

持運至氣

條達陰陽

乖沴通釋

祛蕩不祥

无上玉文

散禍滅殃

地根綿邈

神精化騰

上陟崐丘

升降纏旋

冲妙周流

萬寶清貞

人道安泰

福德相乘

國界靜肅

浩劫无淪

巍巍太上尊

部制神明宗

萬境合玄圖

生成保所同

此三界之上飛空之中真王歌音音參洞章  
誦之百徧名度南宮誦之千徧真王保迎萬  
徧道備飛升太空過度三界位登仙公有聞

靈音魔王敬形勅制地祇侍衛送迎拔出九壘五苦八難七祖升遷永離鬼官寬度朱陵受鍊更生是謂无量普度無窮有似上天文諸天共所崇泄慢墮地獄禍及七祖翁

道言此二章並是諸天上帝及九壘三十六宮土皇仙王隱秘之音安鎮土祇不得刑犯方隅崇害民物皆是大梵之言非世上常辭言無韻麗曲無華宛故謂玄奧難可尋詳上天所寶秘於神霄王清玉府東寶元堂運遇壬辰應數下傳若有至人齋金寶質心依舊

格告盟玉玄然後而付焉

道言夫地震山搖亦法氣運土陷坼裂亦由  
時曆九壘之大亦有祲祥凡有此災至士皆  
當齊心修齋六時行香十徧轉經福德立降  
保鎮不祥无量之文普度无窮

字八

十二

道言夫末學道淺或仙品未充運應滅度身  
經太陰還骸土宮鍊骨重壘戀土為宅幽魂  
不悟臨過之時同學至人為其行香誦經十  
過以度屍形如法土皇辟斥祚凶安鎮百神  
計日而得更生轉輪不惑便得神仙

道言夫天地之內天有九霄地有九壘一壘去天九十萬七千二百里九壘之下復去天一千二百一十八萬里則九壘上當崑崙在天之中正如卯內之黃混也土官有洞元之殿通陰之闕四十二曹其下則總爲地司以治罪竄復有三十六洞仙王以居地下一切神靈攝御三十六種土祿怪異害誣生人冢宅不安水火爲禍皆當修齋行香誦經夫齋戒誦經功德甚重上消天災安鎮九壘土祿不祥下攘毒害以度兆民生死受頌其福惟

勝故曰无量普度天人

道言凡有是經能為天地帝王安鎮國土兆  
民辟却禍殃有災之日發心修齋行香誦經  
十過皆諸天降真消滅不祥右別至人剋得  
為聖君金闕之臣諸天記人功過毫分无失  
天中真魔亦保舉爾身得道者乃當洞明至  
言也

諸天中大梵隱語无量音 道君撰

元始靈書九壘妙篇

東方八天

香洞蘭澹

演明機珠

燿璣益闔

理丙玄舒

曰苴載精

圓奔海通

現祥留寂

央笳潔圖

律帝陽辭

求開拯需

約淳騎伸

並散竊符

濺積柯能

正伎逸甦

沖維秦蝗

熾度爛元

南方八天

赫延巨咖

龍羅景吠

蕩球送真

祇伏屏異

群苛曆盤

變枚遼治

謁濟橫博

亭微綿禧

衝計忌火

落蘭侯師 古洞无傑 命青析茲

溢毒梁貝 範尹疑施 珠育衡定

固賓邈宜

西方八天

邊奚巒卿 孟初浩泰 質福枚涂

婁空止當 光展論符 救化度戒

和召總靈 察迅出辯 驚驚呂余

池名普觀 優掩木多 時萌正載

魁鎮壘塊 真妙驛大 文戎寵渦

柳倩推界

北方八天

紫雲萬都

八景俱纏

間羅蒙星

祝舉夷騫

叱張度宮

救曾路宜

傍嘿明徒

衣飛寥玄

漠題運沙

稠邗英堅

本漿極陽

泛席心全

車勅放縛

鄰枯劫般

直戶遘同

司兵拱仙

道言此諸天中安鎮九壘大梵隱語无量之音舊文刊書王屋清虛小有洞天地官黃玉闕門之上以鎮九壘災氣土祆不祥字皆廣

長一丈天真皇人昔書其文以爲正音有知其音能齋而誦之者諸天皆遣檢地神王下觀其身書其功勤上奏諸天萬神朝禮地祇侍門大勳真王保舉隱地道備剋得遊行三界升入金門

此音无所不辟无所不禳无所不度无所不成天真自然之音也故誦之致諸天下觀上帝遙唱萬神朝禮三界侍軒群袂束首鬼精自亡琳琅振響十方肅清河海靜默山嶽吞煙萬靈振伏招集群仙天无氛穢地无衣塵

冥慧洞清大量玄玄也

元始无量度人上品妙經卷之四十八

字八

十五